


PROF. DR. PIRRO THOMO

VËNIA NË MBROJTJE E QENDRAVE HISTORIKE, ARRITJE MADHORE E VLERËSIMIT TË TRASHËGIMISË KULTURORE



Në krahasim me vendet e zhvilluara të Evropës, përkujdesa për mbrojtjen e monumenteve në Shqipëri është tepër i vonë. Akti i parë zyrtar për kujdesin ndaj pasurive kulturore pas shpalljes së Pavarësisë të Shqipërisë më 1912, është Qarkorja e Ministrisë së Arsimit e datës 1922, ndërsa akti më i plotë juridik është Ligji 129 i vitit 1929 “Mbi monumentet Kombëtare”.


Të dy këto akte mbetën pa zbatim konkret, se ato nuk u shoqëruan me ndonjë shpallje zyrtare monumentesh. Pas Luftës së dytë Botërore fillon veprimtaria sistematike për vlerësimin e trashëgimisë kulturore. Dekreti nr. 568/1948 “Mbi mbrojtjen e monumenteve të kulturës dhe sendeve natyrale të rralla”, i miratuar me Ligjin nr. 609/1948, janë aktet e para normative që trajtojnë monumentet e kulturës dhe ato të natyrës. Më 1948, Instituti i Shkencave harton listën e parë me 107 monumente e mbështetur në njohuritë e deriatëhershme nga rezultatet e gërmimeve të para Luftës së Dytë Botërore, dhe nga të dhënat e literaturës së asaj kohe. Por, të ndërgjegjshëm se Shqipëria ruante një numër shumë herë më të madh monumentesh të çdo gjinie e periudhe, korifentë e shkencës së vlerësimit të trashëgimisë kulturore, ndërmjet tyre dhe Gani Strazimiri, i orientuan punonjësit e tyre drejt gjurmimit, dokumentimit, studimit dhe vënies në mbrojtje të vlerave historike dhe arkeologjike, arkitektonike e artistike më të spikatura të trashëgimisë kulturore të popullit tonë. Për një statistikë të shpejtë: gjatë kohës së drejtimit të institucioneve të mbrojtjes së monumenteve nga Gani Strazimiri, në vitin 1963 u shpallën 471 monumente, në vitin 1977 listës iu shtuan dhe 136 monumente dhe më 1979 edhe 139 të tjerë, por këtu nuk përfshiheshin monumentet e kategorisë së dytë,





5.1. Vendimi për vënien në mbrojtje të qyteteve-muze të Beratit dhe të Gjirokastrës, nëntokës së Durrësit dhe Pazari të Vjetër të Krujës

ndërsa qendrat arkeologjike figurojnë si njësi të vetme, ndonëse ato brenda tyre përmbajnë shumë monumente. Risi e kësaj liste është se tashmë janë vlerësuar dhe vënë në mbrojtje edhe banesat fshatare, dekoracioni i brendshëm i banesave qytetare, si edhe janë rivlerësuar shumë objekte kulturi që dikur, më 1970, ishin hequr nga lista.

Në vitin 1960 hidhet një hap i madh cilësor në procesin e vlerësimit të monumenteve. Vihen në mbrojtje të shtetit ansamble dhe qytete, një akt madhor për Shqipërinë e asaj kohe. U vunë në mbrojtje qytetet-muze të Beratit dhe të Gjirokastrës, nëntoka e Durrësit dhe Pazari i Vjetër i Krujës.



5.2. Rregullorja e administrimit të qytetit-muze të Beratit



5.3, 5.3.1. Vendimi për vënie në mbrojtje të Qendrave Historike të Korçës, Elbasanit, Shkodrës, Vlorës e Tiranës

Në këtë kuadër studimi dhe zonifikimi i Qendrës Historike të Beratit mbetet meritë e padiskutueshme e Gani Strazimir. Rregullorja e administrimit të qytetit-muze të Beratit edhe sot, mbas 63 vjetëve, mbetet model për kompetencën shkencore, për qartësinë, për zgjidhjen e problemeve të ndërlikuara të mbrojtjes së vlerave arkitekturore të qytetit të Beratit, duke krijuar njëkohësisht dhe një përvojë tashmë konkrete për vënie në mbrojtje dhe të Qendrave të tjera Historike të Shqipërisë. Më 1980 vihen në mbrojtje Qendrat Historike Korçës,

Shkodrës, Elbasanit, Vlorës e Tiranës, për të avancuar në ditët tona me vlerësimin dhe të qendrave fshatare, siç janë Qendrat Historike të Dhërmiut, Vunoit, Qeparoit, Rehovës, Voskopojës, etj.

Por cilat janë kriteret ku u bazua kjo Rregullore.

1. Vë në dukje vlerat e qytetit të Beratit dhe në bazë të këtij studimi përcakton zonat që vihen në mbrojtje, si Mangalemi, Gorica e Lagjia e Kalasë, të cilat konsiderohen si zona-muze.
2. Përcaktohen Zonat-muze, Zona e Mbrojtur dhe Zona e Lirë.

3. Përcaktohen dhe kategoritë e monumenteve, duke i ndarë ato në Monumente të kategorisë së parë dhe të dytë.
4. Përcakton qëllimin e këtij kategorizimi, duke theksuar se përcakton metodat e restaurimit, ruajtjes, mbrojtjes, adaptimit dhe shfrytëzimit të tyre.
5. Përcakton karakteristikat urbanistike e arkitektonike të zonave-muze.
6. Përcakton ndërhyrjet e lejuara dhe shfrytëzimin e monumenteve të kategorisë së parë, duke theksuar se: “Monumentet e kategorisë së parë ruhen në tërësinë e tyre dhe mund të shfrytëzohen vetëm atëherë kur një gjë e tillë nuk dëmton vlerat që e përcaktojnë atë si monument i kategorisë së parë”.
7. Monumentet e kategorisë së dytë janë pjesë e zonave-muze dhe për të mos prishur harmoninë e ansambleve nuk duhet të prishen apo të cenohet pamja e jashtme e tyre, ndërsa për të mos penalizuar banorët, parashikohen punime të brendshme për të rritur komoditetin sipas kushteve të kohës.
8. Në nenet pasuese përcaktohen kriteret e projektimit dhe zbatimit të ndërhyrjeve restauruese në monumente.
9. Përcakton kushtëzimet e hartimit të planit rregullues dhe projekteve për ndërtesa të reja për të ruajtur dhe mos cenuar ansamblet dhe monumentet e vënë në mbrojtje.
10. Nenet e mëtejme kanë të bëjnë me mënyrat e administrimit të qytetit-muze dhe financimit të punimeve të mirëmbajtjes dhe restaurimit të monumenteve.
11. Përveç hartës së zonifikimit, rregullorja shoqërohet dhe me listën e monumenteve të kategorisë së parë, e cila përmban 89 të tilla.



5.6. Gjatë Simpoziumit të ICOMOSit


Siç shihet, shumë pak gjëra janë ndryshuar që nga ajo kohë, qoftë në Rregulloren e Qendrës Historike të Beratit apo dhe të Qendrave Historike të qyteteve të tjera.

Rezultatet e këtij studimi u referuan në Konferencën II Ndërkombëtare të Arkitektëve dhe Teknikëve të Monumenteve Historike në Venecie të vitit 1964, ku u miratua Karta e Venecias.

Duhet të kalonin gati dhjetë vjet dhe mbasi ishte vënë në mbrojtje edhe Qendra Historike e Gjirokastrës, që këto arritje të fitonin një njohje dhe jehonë ndërkombëtare nga referati i Gani Strazimir, i mbajtur në Kongresin e ICOMOS-it në Selanik të Greqisë, gjatë datave 3-10 tetor 1973. Kongresi i

Selanikut kishte pjesëmarrje shumë të gjerë, ku bënë pjesë shumë nga hartuesit e Kartës së Venecies, si Piero Gazzola, Raymond Lemaire, Gertrud Trip, Jan Zachvatovicz, Eustathios Stikas, si dhe personalitete të tjera të shquara nga bota e rajoni, si, G. Kozhuharov e R. Angelova nga Bullgaria, G. Jonesko dhe V. Dragut nga Rumania, B. Cipan nga ish Jugosllavia, N. Motsopoulos, G. Lavas etj. nga Greqia, C. Erder nga Turqia e shumë të tjerë nga bota.

Është fakt se referati i Gani Strazimirit ishte një surprizë për pjesëmarrësit, ngjalli shumë komente dhe diskutime si në sallë, ashtu dhe në Table Ronde dhe e renditi Shqipërinë në vendet pararojë të vlerësimit të Qendrave Historike.



5.4.1, 2. Aktet e Simpoziumit të ICOMOSit në Selanik

Problèmes de protection et de réanimation du village historique en Albanie

Par Dr GANI STRAZIMIRI,
Directeur de l' Institut des Monuments de la Culture,
Académie des Sciences, Albanie

Jusqu'à la fin de la Seconde Guerre mondiale, l' Albanie était un pays agricole arriéré. Environ 78% de la population était constituée par la paysannerie, qui n' était pas encore libérée de la pression séculaire de la propriété latifondiaire. Un quart seulement de la population rurale habitait dans les villages de plaine, dans les régions de la dépression côtière, où se trouvaient les trois quarts des terres-cultivables. La majorité de la population rurale était formée de petits propriétaires, dont plus de la moitié continuaient de vivre dans les villages de montagne, à une altitude allant de 600 à 1200 m. Malgré ce retard, dans le cadre du développement social dans son ensemble, le village albanais a subi des transformations, mais ces transformations n' ont été que superficielles. Dans les plaines comme dans les montagnes existaient des types différents de villages: villages concentrés et hameaux disséminés, villages *çiflik* et villages libres, villages développés et villages arriérés, villages aux maisons de pierre et villages aux maisons en pisé. La *kulla* albanaise qui avait pris naissance comme une habitation fortifiée durant le Moyen Age, avait commencé à perdre sa fonction première. Dans les régions où persistait encore la coutume de la vendetta, on continuait de construire les habitations sur son modèle.

L' Albanie n'a pas conservé intact son patrimoine de culture matérielle créé par son peuple à travers les siècles. Si le village n' a pas été transformé par le modernisme, il n'en a pas moins été gravement endommagé par les invasions étrangères, et particulièrement par les expéditions de représailles contre les insurrections de libération, expéditions au cours desquelles étaient incendiés et ravagés des villages et des villes. Rien que pendant ce siècle, le pays a été incendié et dévasté à plusieurs reprises par les troupes étrangères. Pendant la dernière guerre mondiale, 21% de ses habitations urbaines et rurales ont été incendiées ou détruites. On doit noter d' autre part, que jusqu'à la veille de la libération, non seulement aucun intérêt n'avait été manifesté à ce sujet, mais on n'avait même pas posé le problème de la protection du patrimoine de culture matérielle conservé dans notre pays, sans parler de celui du village ou de la ville historique.

295

5.5. Pjesë nga referati i G. Strazimirit në Simpoziumin e ICOMOSit

REPUBLIKA POPULLORE E SHQIPËRISË

KËSHILLI I MINISTRAVE

VENDIM

Nr. 172 datë 2/6/1961

E HAPËT

MBI SHPALLJEN E QYTETEVE MUZE

Këshilli i Ministrave, në mbështetje të vendimit të Byrosë Politike dhe Komitetit Qendror të P.P. Shqipërisë Nr. 228 datë 7. VII.1959 “Mbi traditat patriotike revolucionare të popullit tonë dhe duke patur parasysh veçoritë arkitektonike dhe pasuritë monumentale të disa qyteteve të vendit tonë, në mbledhjen e datës 2.VI.1961,

VENDOSI:

1. Shpallen qytete-muze dhe si të tillë vihen në mbrojtje shtetërore të veçantë qytetet e Gjirokastrës dhe Beratit, pjesa e vjetër dhe nëntoka e qytetit të Durrësit dhe Pazari i Vjetër i qytetit të Krujës.
2. Ngarkohet Universiteti Shtetëror i Tiranës që, brenda vitit 1961, të përfundojë studimin dhe projektimin e zonifikimit të qytetit muze të Beratit dhe rregulloren përkatëse. Studimi, projektimi dhe rregullorja e për qytetin-muze të Gjirokastrës, pjesën e vjetër dhe nëntokën e qytetit të Durrësit dhe Pazarin e Vjetër të qytetit të Krujës, të përfundojë deri në fund të vitit 1962.
3. Gjersa të përfundojnë studimet, projektet dhe rregulloret për qytetin e Gjirokastrës, Durrësit dhe Krujës, këto të mirëmbahen, restaurohen dhe administrohen në analogji me dispozitat e rregullores së qytetit – muze të Beratit dhe në përputhje me udhëzimet e veçanta të Universitetit Shtetëror të Tiranës.
4. Për zbatimin e këtij vendimi ngarkohet Ministria e Arsimit dhe Kulturës.
5. Ky vendim hyn në fuqi menjëherë

SEKRETARI I PËRGJITHSHËM
I KËSHILLIT TË MINISTRAVE
(SPIRO RUSHA) d.v.

KRYETARI I KËSHILLIT TË MINISTRAVE
(MEHMET SHEHU) d.v.

Nr. 6/1

dt. 21.VI. 1961

REPUBLIKA POPULLORE E SHQIPËRISË**KESHILLI I MINISTRAVE****VENDIM****NR. 170 DATË 2/6/1961****E HAPËT****MBI APROVIMIN E RREGULLORES****MBI ADMINISTRIMIN E QYTETIT-MUZE****TË BERATIT**

Këshilli i Ministrave, në vijim dhe në zbatim të vendimit Nr. 172 datë 02.06.1961 mbi qytetet-muze, me propozimin e Ministrisë së Arsimit dhe Kulturës, në mbledhjen e datës 2/VI/1961,

V E N D O S I:

Aprovimin e rregullores “mbi administrimin e qytetit-muze të Beratit” me përmbajtjen si vijon:

Ndarja e qytetit muze në zona

Neni 1

Qyteti i Beratit ruan vlera të mëdha historike, artistike e kulturore jo vetëm me rëndësi lokale, por edhe me karakter kombëtar lidhur me zhvillimin e historisë, artit e kulturës në përgjithësi në vendin tonë dhe prandaj vihet në mbrojtje shtetërore të veçantë.

Neni 2

Në qytetin-muze të Beratit ruhen dhe mbrohen nga shteti të gjitha ndërtimet që përbëjnë qytetin-muze, monumentet e kulturës, vendet historike, ansamblet arkitektonike, urbanistike dhe inxhinierike, silueta e qytetit dhe elementet krijonjëse të tij.

Neni 3

Qyteti-muze i Beratit ndahet në tri zona, sipas planit që i bashkëngjitet këtij vendimi si pjesë e pandarë e tij dhe që përshkruhen më poshtë:

zona muze

zona e mbrojtur

zona e lirë

I. Zona muze, e cila ruan monumente të kategorisë së I-rë dhe të II-të, kufizohet: nga jugu me kodrën e Goricës, nga perëndimi kufiri kalon 60 m në perëndim të urës mbi lumin Osum dhe ndjek 20 m, në perëndim rrugën këmbësore që ngjitet në kala nga faqja, perëndimore e kodrës duke dalë në qafë të kalasë: nga verilindja me rrugën që lidh kalanë me qendrën e qytetit dhe nga juglindja me rrugën që kalon prapa Pallatit të Kulturës gjer te xhamie Beqarit, nga ku kalon lumin dhe del në anën lindore të lagjes Goricë (Partizani).

II. Zona e mbrojtur, e cila ruan vetëm monumente të kategorisë I-rë, kufizohet: nga jugu me lumin Osum, nga perëndimi me zonën-muze, nga verilindja në mënyrën zigzage përmbledh pjesën e fundit të lagjes “Ylli i Kuq” (Prroit) dhe kalon 100 m në verilindje të shtëpisë së Fazli Bizbiqit dhe Toli Pines dhe nga juglindja bashkohet me lumin Osum, duke lënë nga perëndimi 100 m kishën e Shën-Mitrit.

III. Zona e lirë, e cila ruan vetëm monumente të izoluara të kategorisë I-rë është gjithë pjesa tjetër e qytetit, pa zonën-muze dhe pa zonën e mbrojtur.

Neni 4

Ansamblët që përbëjnë zonën muze janë:

- a) Lagja Kala
- b) Lagja Mangalem (sot lagja “17 Nëntori”)
- c) Lagja Partizani

Ansamblët në vetvehte janë monumente të kategorisë I-rë.

II. Kategoritë e monumenteve

Neni 5

Monumentet që përbëjnë zonën muze ndahen në dy kategori:

Monumente të kategorisë I-rë: që janë përfaqësuesit e tipave kryesorë të arkitekturës (ndërtimet shoqërore, ndërtimet e kultit, apo inxhinierike etj.) si dhe ato që ruajnë vlera të mëdha në lëmin e artit.

Monumente të kategorisë II-të: që janë të gjitha ato monumente (ndërtime shoqërore, kulti etj.), të cilat së bashku me monumentet e kategorisë I përbëjnë pjesë të pashkëputur të ansambleve të zonës muze.

Ndarja e monumenteve në kategori ka për qëllim praktik zbatimin e metodës së restaurimit, ruajtjes, mbrojtjes, adaptimit dhe shfrytëzimit të tyre.

Neni 6

Karakteristika kryesore të ansambleve që përbëjnë zonën muze dhe që ruhen, janë:

- a) ndërtime në terren të pjerrët, të thepisur e shkëmbor, në ngastra individuale, dy dhe tre katëshe, të vendosura ngjitur me njëra-tjetrën dhe lirisht;
- b) orientimi i ndërtimeve kryesisht nga rrugët kryesore, lumi Osum dhe qendra e qytetit;
- c) katet e poshtme me gurë, ndërsa të sipërmet pjesa më e madhe me skelet druri të suvatuara dhe në përgjithësi të lyera me shërbet gëlqereje;
- ç) kati i parë zakonisht pa dritare, kati i dytë dhe i tretë me dritare të shumta vertikale dhe me ndarje të shpeshta;
- d) kur katet e sipërme janë me skelet druri (çatma) në më të shumtën e rasteve këto janë të dala nga jashtë (me konsolle);
- dh) çatitë janë katër ujse, me pjerrësi të ëmbël, të mbushura me tjegulla vendi dhe me strehë të dalura shumë;
- e) rrugët janë të ngushta, me kalldrëm në formë korridoresh të lakuar e zigzake; aty këtu kthehen në shkallë guri dhe tarraca;
- ë) shtëpitë me gjithë terrenin e pjerët edhe kur ngastra është e kufizuar, para mbrapa ose anës, në të shumtën e rasteve kanë oborr ose kopësht të vogël, rrallë të dyja së bashku. Në kompozimin e rrugëve luajnë rol me rëndësi, vendet boshe tip tarrace.

Të gjitha këto karakteristika të monumenteve dhe elementet e tjera krijuese të qytetit (ura, ujësjellësi, kanalizimet, rrugët etj.) përcaktojnë karakterin historik, arkitektonik dhe artistik të ansambleve të zonës muze.

Neni 7

Monumentet e kategorisë së I-rë ruhen në tërësi, mund të shfrytëzohen vetëm atëherë kur një gjë e tillë nuk dëmton vlerat që e përcaktojnë atë si monument të kategorisë së I-rë. Propozimi për shfrytëzim bëhet nga Komiteti Ekzekutiv i Këshillit Popullor të rrethit dhe vetëm pasi të merret aprovimi i Universitetit Shtetëror të Tiranës mund të fillojë shfrytëzimi.

Monumentet e kultit kur nuk kryejnë funksionin për të cilin janë ndërtuar, me aprovimin e Universitetit, mund të shfrytëzohen si muze ose për ndonjë qëllim tjetër, i cili nuk dëmton vlerat që e përcaktojnë atë si të tillë dhe krijon mundësi të plota për vizitimin, studimin, restaurimin e mirëmbajtjen pa kushte të tyre.

Monumentet shtëpi banimi ruhen në tërësi. Destinimi për të cilin janë ndërtuar këto është banimi. Këtë funksion e ruajnë edhe në të ardhmen. Vetëm në rastet kur masat për shfrytëzim si banesë çënojnë monumentin, mundet të përdoret për qëllim tjetër që nuk çënon këto vlera, si kopësht e çerdhe fëmijësh, muze etj.

III. Restaurimi dhe mirëmbajtja e monumenteve

Neni 8

Restaurimi bëhet nga Komiteti Ekzekutiv i Këshillit Popullor të rrethit nën drejtimin tekniko-shkencor dhe në bazë të projektit të hartuar nga Universiteti shtetëror i Tiranës (Instituti i Historisë dhe Gjuhësisë).

Punimet për mirëmbajtjen dhe meremetimet urgjente të monumenteve bëhen nga Komiteti Ekzekutiv i Këshillit Popullor të rrethit në bazë të udhëzimeve që jep në vend Universiteti shtetëror i Tiranës (Instituti i Historisë e Gjuhësisë).

Neni 9

Monumentet e kategorisë së II-të ruhen vetëm për pamjen e tyre të jashtme; brenda mund të ndryshohen e përshtaten sipas nevojave të përdorimit. Meqenëse këto monumente gjenden vetëm në zonën muze dhe janë pjesë përbërëse dhe të domosdoshme të ansambleve të kësaj zone duhet të ruhen, të mirëmbahen dhe të restaurohen nga jashtë.

Restaurimi (vetëm nga jashtë) bëhet sipas nenit 8. Adaptimi për shfrytëzimin bëhet me leje të Komitetit Ekzekutiv të Këshillit Popullor të rrethit, i cili në aprovimin e projektit udhëhiqet nga metoda e mbrojtjes së zonës muze duke ruajtur pamjen e jashtme, sipas nenit 6.

Zbatimi i punimeve për mirëmbajtjen dhe adaptimin e monumenteve, në bazë të projektit, bëhet nga Komiteti Ekzekutiv i Këshillit Popullor të rrethit dhe, kur ndërtesa është pronë private, nga pronari. Në rastin e dytë, Komiteti Ekzekutiv është i detyruar të mbikëqyrë zbatimin e përpiktë të punimeve, në bazë të projektit të aprovuar. Kur në këto monumente (sidomos në shtëpitë e banimit) ka pjesë ku ndodhen gdhendje druri, dekorime dhe piktura etj. punimet në këto ambiente bëhen nga Komiteti Ekzekutiv i Këshillit Popullor të rrethit nën drejtimin tekniko-shkencor të Universitetit shtetëror të Tiranës (Instituti i Historisë e Gjuhësisë).

Neni 10

Punimet e restaurimit dhe të mirëmbajtjes së monumenteve të kategorisë I-rë dhe të kategorisë II-të (vetëm nga jashtë) kryhen me cilësi të lartë nga specialistë të aftë. Teknika e punimeve dhe materialet që përdoren duhet të jenë të njëjtë me teknikën dhe materialet e përdorura në monumentet kur janë ndërtuar.

Neni 11

Në zonën muze nuk lejohet asnjë prishje ose ndërtim i ri pa lejen e Universitetit Shtetëror të Tiranës (Instituti i Historisë dhe Gjuhësisë).

Neni 12

Në zonën e mbrojtur hartimi i planit rregullues dhe ndërtimet e reja duhet të bëhen në mënyrë që të mos çenojnë monumentet që ruhen në këtë zonë dhe qytetin-muze në tërësi, në mënyrë që ambienti rrethues t'i

vërë më në pah monumentet. Projekti i planit rregullues dhe i ndërtimeve të reja që do të bëhen në këtë zonë aprovohen nga Universiteti Shtetëror i Tiranës (Instituti i Historisë dhe Gjuhësisë).

Në këtë zonë nuk lejohen ndërtime industriale.

Neni 13

Zhvillimi i qytetit në zonën e lirë, si plani rregullues ashtu dhe ndërtimet duhet të orientohen nga ato të qyteteve moderne, por duke pasur kurdoherë parasysh respektimin e monumenteve të izoluara që ndodhen në të dhe qytetin-muze në tërësi.

Plani rregullues i qytetit, para se të aprovohet nga Këshilli i Ministrave, duhet të shqyrtohet nga Universiteti Shtetëror i Tiranës (Instituti i Historisë dhe Gjuhësisë), i cili jep pëlqimin e tij.

IV. Administrimi i qytetit-muze

Neni 14

Administrimi i qytetit-muze bëhet nga seksioni i arsimit dhe kulturës pranë Komitetit Ekzekutiv të Këshillit Popullor të rrethit të Beratit. Për të drejtuar punën e mbrojtjes, meremetimit, restaurimit dhe administrimit të përgjithshëm të qytetit-muze, krijohet pranë Komitetit Ekzekutiv të Këshillit Popullor të rrethit, Këshilli i qytetit-muze, i kryesuar nga kryetari i Komitetit Ekzekutiv, me anëtarët, shefin e seksionit të arsimit dhe kulturës, shefin e seksionit komunal, kryearkitektin e Komitetit Ekzekutiv, sekretarin e Këshillit të Frontit Demokratik të rrethit, sekretarin e organizatës së Bashkimit të Rinisë së Punës për rrethin, drejtorin e Shtëpisë së Kulturës, drejtorin e muzeumit, përgjegjësin e ateljesë së monumenteve dhe specialistë të ndryshëm si arkitektë, piktorë, skulptorë, shkrimtarë etj.

Neni 15

Këshilli i qytetit-muze ka për detyrë:

të aprovojë planin vjetor të punimeve për meremetime e restaurime dhe të masave të tjera mbrojtëse, hartuar nga seksioni i arsimit dhe kulturës në konsultim me Universitetin Shtetëror të Tiranës;

të hartojë planin e zhvillimit perspektiv të qytetit-muze, të disiplinojë ndërtimet e reja, duke iu përmbajtur dispozitave të kësaj rregulloreje;

të nxjerrë vendime, thirrje, rregulla etj. në përputhje me frymën e kësaj rregulloreje.

Neni 16

Me qëllim që të kontrollpohet mirëmbajtja dhe ruajtja e tërë kompleksit të qytetit-muze, seksioni i arsimit dhe kulturës bën inventarizimin e plotë me përshkrimin e hollësishëm të gjendjes së monumenteve që përbëjnë zonën-muze e të mbrojtur dhe monumentet e izoluara të qytetit, të ndarë në kategori, sipas udhëzimeve të Universitetit Shtetëror të Tiranës.

Neni 17

Mirëmbajtja dhe restaurimi i qytetit-muze të Beratit kryhet në bazë të një plani perspektiv 10-15 vjeçar të hartuar nga Universiteti Shtetëror i Tiranës në bashkëpunim me Komitetin Ekzekutiv të Këshillit Popullor të rrethit. Shpenzimet sigurohen nga fondet e caktuara nga Qeveria.

Neni 18

Fondet buxhetore të nevojshme për mbrojtjen dhe restaurimin e ndërtesave dhe kompleksit të qytetit-muze parashikohen nga këshilli i qytetit-muze, në marrëveshje me Universitetin Shtetëror të Tiranës dhe administrohen, sipas një plani, nga Komiteti Ekzekutiv i Këshillit Popullor të rrethit.

Neni 19

Punimet për restaurimin, mirëmbajtjen dhe meremetimin e monumenteve të kategorisë së I-rë dhe të II-të, edhe kur këto janë prona private, bëhen me shpenzime të shtetit në bazë të dekretit Nr. 609 datë 24.V.1948 “Mbi mbrojtjen e monumenteve të kulturës dhe të sendeve natyrale të rralla”; ndërsa punimet për mirëmbajtjen e meremetimin e atyre monumenteve që përdoren për banim bëhen me shpenzimet e pronarit. Për mosmeremetimin e këtyre monumenteve nga pronarët e tyre zbatohen dispozitat e veçanta mbi meremetimin dhe ndreqjen e banesave.

Neni 20

Për dëmtimet e ndërtesave dhe sendeve të tjera të kompleksit muzeal të qytetit dhe për çdo shkelje tjetër të dispozitave të kësaj rregulloreje zbatohen dënimet e parashikuar nga Kodi Penal.

Neni 21

Të gjitha çështjet që nuk parashikohen nga kjo rregullore zgjidhjen në marrëveshje me Universitetin Shtetëror të Tiranës (Instituti i Historisë e Gjuhësisë) duke marrë aprovimin e Ministrisë së Arsimit dhe Kulturës.

Neni 22

Kësaj rregulloreje i bashkohet plani i ndarjes në zona të qytetit-muze dhe një listë e monumenteve të kategorisë së I-rë. Në planin e ndarjes në zona janë përcaktuar grafikisht zona-muze, zona e mbrojtur, zona e lirë si dhe monumentet e kategorisë së I-rë, kategorisë së II-të dhe ato ndërtime që lejohen të prishen në ansamblet që formojnë zonën-muze.

Neni 23

Kjo rregullore hyn menjëherë në fuqi.

SEKRETARI I PËRGJITHSHËM I
KËSHILLIT TË MINISTRAVE
(SPIRO RUSHA) d.v.

KRYETARI I KËSHILLIT
TË MINISTRAVE
(MEHMET SHEHU) d.v.

THE PROTECTION OF HISTORICAL CENTERS AND GANI STRAZIMIRI'S CONTRIBUTIONS BY PROFESSOR DR. PIRRO THOMO

Compared to the developed countries of Europe, Albania's attention to monument preservation came relatively late. Following the declaration of Independence in 1912, the first official act related to cultural assets was the 1922 Circular issued by the Ministry of Education. The most comprehensive legal act during this period was Law 129 of 1929, *On National Monuments*.

However, both of these acts remained largely unimplemented, lacking official declarations for individual monuments.

After World War II, systematic efforts in the assessment of cultural heritage began. Decree no. 568/1948, *On the protection of cultural monuments and rare natural objects*, was approved by Law no. 609/1948. These were the initial normative acts addressing cultural and natural monuments, followed by the first list of 107 monuments compiled by the Institute of Sciences. Acknowledging that Albania possessed a much larger number of cultural and historical monuments spanning various periods, experts in the field of Cultural Heritage evaluation, including Gani Strazimiri, directed their teams towards identifying, documenting, researching, and protecting the most significant historical, archaeological, architectural, and artistic assets within the cultural heritage of the Albanian people.

In 1960, a major qualitative step was taken in the monument evaluation process. Entire ensembles and cities were officially placed under state protection, a significant milestone for Albania at the time. The city-museums of Berat and Gjirokastra, the underground area of Durrës, and the Old Market of Kruja were among those designated for protection.

In this context, the detailed study and zoning of the Historical Center of Berat represents a particularly notable achievement, largely credited to Gani Strazimir. Even today, 63 years later, the administrative regulation of the City-Museum of Berat remains a model of scientific competence, clarity, and effective solutions to the complex challenges of preserving the architectural values of the city of Berat. It simultaneously served as a practical experience for safeguarding other historical centers throughout Albania. In 1980, the Historical Centers of Korça, Shkodra, Elbasan, Vlora, and Tirana were added to the list of protected areas. This legacy continues in modern times with an emphasis on the appreciation and safeguarding of rural centers, such as the Historical Centers of Dhërmi, Vunoi, Qeparoi, Rehova, Voskopojë, etc.

The findings and achievements resulting from these endeavors were presented at the II International Conference of Architects and Technicians of

Historical Monuments in Venice in 1964, where the Charter of Venice was adopted.

It took nearly a decade after the protection of the Historical Center of Gjirokastra for these accomplishments to gain international recognition. This recognition came through Gani Strazimiri's report presented at the ICOMOS Congress in Thessaloniki, Greece, from October 3 to October 10, 1973. The Thessaloniki Congress attracted widespread participation, featuring many of the

individuals involved in drafting the Venice Charter, including Piero Gazzola, Raymond Lemaire, Gertrud Tripp, Jan Zachvatovicz, Eustathios Stikas, and others. The Congress also drew distinguished figures from neighboring countries and beyond.

Gani Strazimiri's report surprised the participants, generating extensive commentary and discussions both during the event and at the Round Table, ultimately positioning Albania among the leading nations in the field of Historical Center assessment.